

Broj: 01-01.3-6745-7/24 SH

Datum: 18.07.2024. godine

Na osnovu člana 70. stav (3) Zakona o javnim nabavkama ("Službeni glasnik BiH" broj: 39/14 i 59/22), te člana 17. Pravilnika o javnim nabavkama JP Autoceste FBiH d.o.o. Mostar br.: NO 1.01-3837-12/23 od 12.06.2023. godine i preporuke Komisije za javne nabavke konstatovane u Zapisniku o pregledu i ocjeni ponuda broj: 01-01.3-6745-6/24 SH od 17.07.2024. godine, v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u otvorenom postupku

I

Okvirni sporazum za period od 3 (tri) godine za pružanje usluga: „Redovno i vanredno održavanje Suzuki vozila“ u vrijednosti od 46.681,47 sa uračunatim PDV-om dodjeljuje se ponuđaču „**Berlijeta**“ d.o.o. **Visoko**, sa registrovanim sjedištem u ulici Arnautovičko Polje bb, 71300 Visoko, ID broj: 4218061370005, koji je u otvorenom postupku jedini dostavio prihvatljivu ponudu.

II

Okvirni sporazum se zaključuje nakon provedenog otvorenog postupka za koji je dana 26.06.2024. godine objavljeno Obavještenje o nabavci, broj: 266-1-2-93-3-227/24 na Portalu javnih nabavki. U provedenom postupku zaprimljena je 1 (jedna) ponuda te je za istu utvrđeno da ispunjava sve uslove i zahtjeve propisane tenderskom dokumentacijom.

III

U ovom postupku je predviđeno provođenje e-aukcije, ali kako je zaprimljena samo jedna ponuda te je ista prihvatljiva, e-aukcija se ne može zakazati, u skladu sa članom 4. stav (2) Pravilnika o uslovima i načinu korištenja e-aukcije („Sl. glasnik BiH“, broj: 80/23), nego se postupak okončava u skladu sa članom 69. Zakona.

IV

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. stav (1), 18. stav (1) i 19. stav (1) Zakona, pokrenulo otvoreni postupak sa namjerom sklapanja Okvirnog sporazuma na period od 3 (tri) godine sa jednim ponuđačem broj: 01-01.3-6745/24 SH za pružanje usluga: „Redovno i vanredno održavanje Suzuki vozila“. Na Portalu javnih nabavki objavljeno je Obavještenje o nabavci broj: 266-1-2-93-3-227/24 dana 26.06.2024. godine.



Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 17.07.2024. godine u 10:30 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Hamdije Kreševljakovića broj 19, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da je ponudu blagovremeno predao 1 (jedan) ponuđač.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda 01-01.3-6745-6/24 SH od 18.07.2024. godine, koji je sastavni dio ove Odluke.

Shodno prijedlogu i preporuci Komisije za nabavku, koju je Ugovorni organ prihvatio, Okvirni sporazum za period od 3 (tri) godine za pružanje usluga: „Redovno i vanredno održavanje Suzuki vozila“ u ukupnoj vrijednosti od 46.681,47 KM sa uračunatim PDV-om dodjeljuje se ponuđaču „Berlijeta“ d.o.o. Visoko, sa registrovanim sjedištem u ulici Arnautovičko Polje bb, 71300 Visoko, ID broj: 4218061370005, koji je u otvorenom postupku jedini dostavio ponudu, a koja je prihvatljiva. Shodno navedenom, Ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**v.d. izvršnog direktora
za opće, kadrovske i pravne poslove:**

.....
Mirnesa Agić, dipl.oecc.

v.d. direktora:

.....
Denis Lasić
MOSTAR
2

Dostaviti:

- ponuđačima koji su predali ponude
- a/a



Broj: 01-01.3-6745-6/24 SH

Datum: 18.07.2024. godine

U skladu sa članom 65. Zakona o javnim nabavkama („Službeni glasnik BiH“, broj 39/14 i 59/22), članom 8. Pravilnika o uspostavljanju i radu komisije za javne nabavke („Službeni glasnik BiH“, br: 103/14 i 49/23), članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 15. Pravilnika o javnim nabavkama JP Autoceste FBiH d.o.o. Mostar, broj: NO 1.01-3837-12/23 od 12.06.2023. godine, Komisija za nabavku imenovana Rješenjem, broj: 01-01.3-6745-3/24 SH od 27.06.2024. godine, sačinjava:

ZAPISNIK O PREGLEDU I OCJENI PONUDA u otvorenom postupku

- a) **Naziv i sjedište ugovornog organa:** JP Autoceste FBiH d.o.o. Mostar;
- b) **Predmet nabavke:** Nabavka usluga: „Redovno i vanredno održavanje Suzuki vozila“;
- c) **Evidencijski broj nabavke:** 01-01.3-6745/24 SH;
- d) **Vrsta postupka javne nabavke:** Otvoreni postupak sa namjerom sklapanja Okvirnog sporazuma na period od 3 (tri) godine;
- e) **Procijenjena vrijednost nabavke:** 40.000,00 KM (bez PDV-a);
- f) **Broj obavještenja o nabavci sa Portala javnih nabavki:** Obavještenje o nabavci broj: 266-1-2-93-3-227/24, objavljeno dana 26.06.2024. godine;
- g) **Datum početka pregleda i ocjene ponuda:** Komisija je počela sa pregledom ponuda 17.07.2024. godine;
- h) **Naziv i sjedište svih ponuđača, prema redoslijedu zaprimanja ponuda:** Komisija za nabavku za predmetni postupak je utvrdila da je do krajnjeg roka za dostavljanje ponuda blagovremeno zaprimljena 1 (jedna) ponuda i to kako slijedi:
 1. „Berlijeta“ d.o.o. Visoko, zaprimljena dana 17.07.2024. godine u 09:30 sati, sa ukupnom ponuđenom cijenom za Okvirni sporazum u iznosu od **39.898,69 KM** bez uračunatog PDV-a, odnosno **46.681,47 KM** sa uračunatim PDV-om.
- i) **Podaci o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata;
- j) **Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nema ispravki koje su urađene na način da su vidljive, potvrđene potpisom ponuđača i sa datumom izvršene ispravke;
- k) **Analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača:**



RB	ANALIZA, PREGLED I OCJENA PONUDA	NAZIV PONUĐAČA
	„Redovno i varedno održavanje Suzuki vozila“	Berlijeta d.o.o. Visoko
a)	Kvalifikacioni uslovi:	
1.	<p>Lična sposobnost - kvalifikacija prema članu 45. ZJN:</p> <p>USLOV: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u</p>	+



	<p>Bosni i Hercegovini ili u zemlji u kojoj je registrovan.</p> <p>DOKAZ: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 6 tenderske dokumentacije.</p>	
2.	<p>Sposobnost obavljanja profesionalne djelatnosti:</p> <p>USLOV: Što se tiče sposobnosti za obavljanje profesionalne djelatnosti ponuđači moraju biti registrovani za obavljanje djelatnosti koja je predmet javne nabavke.</p> <p>DOKAZ: U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti</p>	+



	su izdati. Dokazi koji se dostavljaju moraju biti originalni ili ovjerene kopije.	
3.	<p>Tehnička i profesionalna sposobnost USLOV:</p> <p>Što se tiče tehničke i profesionalne sposobnosti, ponuđači trebaju ispuniti sljedeće minimalne uslove a koji se mogu potvrditi dokazima iz člana 51. Zakona a to su:</p> <ul style="list-style-type: none"> - da su ovlašteni od strane proizvođača Suzuki vozila ili od strane ovlaštenog uvoznika da vrše usluge servisiranja i održavanja Suzuki vozila <p>DOKAZ:</p> <p>Ocjena tehničke i profesionalne sposobnosti ponuđača će se izvršiti na osnovu sljedećih dokaza:</p> <p>Izjava ovjerenu od strane ponuđača da ponuđač ispunjava uslov tehničke i profesionalne sposobnosti naveden u tač. 7.3.1. a). Izjava se dostavlja u formi utvrđenoj Aneksom 7 tenderske dokumentacije.</p> <p>Uz Izjavu <u>kao prilog se dostavljaju</u> sljedeći dokumenti:</p> <ul style="list-style-type: none"> - kopija autorizacije, potvrde, certifikata, uvjerenja ili sličnog dokaza koji je izdat od strane proizvođača Suzuki vozila ili od strane ovlaštenog 	<p style="text-align: center;">+</p> <p style="text-align: center;">+</p>



	uvoznika, da je ponuđač ovlašten za servisiranje i održavanje Suzuki vozila	
b)	Ispunjenost uslova u pogledu dostavljanja svih potrebnih dokumenata prema sadržaju ponude	
1.	Popunjen Obrazac za ponudu koji je dat u Aneksu 2 tenderske dokumentacije	+
2.	Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru Aneksa 2 tenderske dokumentacije	n.p.
3.	Popunjen Obrazac za cijenu ponude koji je dat u Aneksu 3 tenderske dokumentacije	+
4.	Popunjen Obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obrazac ukoliko imaju povjerljivih informacija)	Nema povjerljivih informacija
5.	Izjava o ispunjenosti uslova iz člana 45. stav (1) tačke a) do d) Zakon o javnim nabavkama, u skladu sa formom Izjave datoju u Aneksu 6	+
6.	Izjava o ispunjenosti uslova iz člana 50. stav (1) tačka e) Zakon o javnim nabavkama, u skladu sa formom Izjave datoju u Aneksu 7	+
7.	Ovjerene kopije dokumenata kojima ponuđač dokazuje ispunjenost uslova iz člana 46. stav (1) do (2) Zakona o javnim nabavkama (dokaz o registraciji ponuđača: izvod iz sudskog registra ili rješenje o registraciji ili sl.)	+
8.	Potpisan nacrt okvirnog sporazuma koji je sastavni dio tenderske dokumentacije kao Aneks 5	+
9.	Potpisan nacrt prvog pojedinačnog ugovora koji je sastavni dio tenderske dokumentacije kao Aneks 5.1	+



10.	Izjava o sukobu interesa čl. 52 Zakona (Aneks 8 ili 8.1 zavisno od slučaja ko potpisuje Izjavu)	+
11.	Parafirana Tehnička specifikacija – Aneks 9	+
12.	Izjava o zajedničkoj ponudi sa navodima o solidarnoj odgovornosti članova grupe ponuđača (ukoliko ponudu dostavlja grupa ponuđača)	n.p.
13.	Popis dokumentacije koja je priložena uz ponudu	+
c)	Prikaz prihvatljivosti ponuda prema obliku sadržaju i potpunosti	
1.	Cjelovitost ponude	+
2.	Uvezana u cjelinu /knjiga, obezbjeđena jemstvenikom/	+
3.	Ponuda napisana neizbrisivom tintom	+
4.	Pravilno numerisana ponuda	+
5.	Ponuda napisana na jednom od službenih jezika u BiH	+
6.	Ispravke u ponudi	n.p.
7.	Računske greške	n.p.
8.	Izmjene/dopune ponude i odustajanje od ponude	n.p.
9.	Ponuda potpisana od strane ovlaštene osobe	+
10.	Dostavljena kopija ponude	+
	PRIHVATLJIVOST PONUDE DA/NE	DA

Napomena:

(+) u skladu sa tenderskom dokumentacijom **zadovoljava**;

(+*) uz Izjavu, ponuđač u sastavu ponude dostavio ovjerene kopije dokaza o ispunjavanju uslova iz člana 45. st. (1) tač. a) do d) Zakona, kojima dokazuje ispunjenost postavljenih uslova u pogledu lične sposobnosti ponuđača

(n.p.) nije primjenjivo;

l) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno: Nema ponuđača koji se isključuju zbog neispunjavanja uslova za kvalifikaciju;

m) Prikaz traženih i dostavljenih garancija za ozbiljnost ponude: Ugovorni organ nije zahtijevao bankarsku garanciju za ozbiljnost ponude;

n) Podaci o pojašnjenju ponuda: Nije traženo pojašnjenje ponuda;

o) Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda: Zaprmljena ponuda je uredno zapakovana, cijena bez PDV-a upoređena u obrascima Aneks 2 i Aneks 3, identična u oba obrasca kod ponuđača;



- p) **Analitički prikaz traženih i dostavljenih dokaza profesionalne i tehničke sposobnosti ponuđača:** U skladu sa tačkom k) ovog Zapisnika;
- q) **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprimljena ponuda ispunjava sve zahtjeve u pogledu Tehničke specifikacije;
- r) **Podaci o ispravkama računskih grešaka u ponudama ako ih je bilo:** Nema računskih grešaka u ponudi;
- s) **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** U skladu sa stavkom l) ovog Zapisnika;
- t) **Razlozi za odbijanje ponude zbog neprirodno niske cijene:** Nije primjenjivo;
- u) **Analiza prihvatljivih ponuda prema kriteriju za izbor ponude:** Budući da je ponuda ponuđača „Berlijeta“ d.o.o. **Visoko** jedina dostavljena i ispunjava sve kvalifikacione kao i ostale uslove i zahtjeve propisane tenderskom dokumentacijom, te su dostavljeni svi dokazi na propisan način, Komisija za javne nabavke daje preporuku da se Okvirni sporazum na period od 3 (tri) godine za predmetnu nabavku dodijeli navedenom ponuđaču sa ukupnom cijenom u iznosu od 46.681,47 KM sa uračunatim PDV-om.
- v) **Provođenje e-aukcije u skladu sa Pravilnikom o uslovima i načinu korištenja e-aukcije („Sl.glasnik BiH“ broj 80/23):** Ugovorni organ je u tenderskoj dokumentaciji i Obavještenju o nabavci za predmetnu nabavku predvidio održavanje e-aukcije. S obzirom na to da je Komisija utvrdila da je zaprimljena 1 (jedna) ponuda te da je ista prihvatljiva, e-aukcija se ne može zakazati, u skladu sa članom 4. stav (2) Pravilnika o uslovima i načinu korištenja e-aukcije („Sl. glasnik BiH“ broj 80/23), nego se postupak okončava u skladu sa članom 69. Zakona;
- w) **Rangiranje prihvatljivih ponuda prema kriteriju za izbor ponude:** U skladu sa tačkom 9.1.1. tenderske dokumentacije kriterij za dodjelu ugovora je „najniža cijena“.

Naziv ponuđača	Cijena bez PDV-a	Popust (%)	PDV (17%)	Ukupna cijena sa popustom i PDV-om
„Berlijeta“ d.o.o. Visoko	39.898,69 KM	0%	6.782,78 KM	46.681,47 KM

- x) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Ugovorni organ namjerava zaključiti Okvirni sporazum na period od 3 (tri) godine sa ponuđačem „Berlijeta“ d.o.o. **Visoko**, sa registrovanim sjedištem u ulici Arnautovičko Polje bb, 71300 Visoko, ID broj: 4218061370005, iz razloga što je jedini dostavio ponudu u predmetnom postupku, a ista je prihvatljiva, odnosno ispunjava sve uslove i zahtjeve propisane tenderskom dokumentacijom;



- y) **Podaci o dijelu ugovora koji se daje u podugovor i podaci o podizvođaču:** Ponuđač nije izrazio namjeru podugovaranja;
- z) **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Izabrani ponuđač „Berlijeta“ d.o.o. Visoko je dužan u roku od 5 (pet) dana od dana prijema Odluke o izboru najpovoljnijeg ponuđača dostaviti sljedeće:

-Originale ili ovjerene kopije traženih dokaza za kvalifikaciju ponuđača u pogledu lične sposobnosti – član 45. Zakona, odnosno dokumente kojima potvrđuje vjerodostojnost Izjave o ispunjavanju uslova iz člana 45. stav (1) tač od a) do d) Zakona, a za koje je dao izjavu u skladu sa Aneksom 5 tenderske dokumentacije.

Napomena: Shodno obavještenju Agencije za javne nabavke Bosne i Hercegovine, datom po pojašnjenju od strane Suda Bosne i Hercegovine u aktu od 21.05.2019. godine u cilju prihvatljivosti ponuda, ponuđač je obavezan. u smislu odredbi člana 45. stav (1) tačka a) Zakona o javnim nabavkama, u vezi sa stavom (2) tačka a) istog člana Zakona, da kumulativno dostavi Uvjerenje/Potvrdu Suda BiH i Uvjerenje/Potvrdu suda prema sjedištu pravnog lica, odnosno ponuđača iz kojeg je vidljivo da mu u krivičnom postupku nije izrečena pravosnažna presuda kojom je osuđen za krivična djela organizovanog kriminala, korupcije, prevare ili pranja novca. U slučaju da su dokumenti izdati nakon datuma predaje ponude, u njima mora biti jasno navedeno da je ponuđač traženi uslov ispunjavao na dan predaje ponuda.

Napomena:

Ako izabrani ponuđač u navedenom roku ne dostavi sve tražene originale ili ovjerene kopije dokumenata i/ili ne dokaže da ispunjava uslove koje je odredio ugovorni organ, sa navedenim ponuđačem se neće zaključiti ugovor.

- aa) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Predlaže se v.d. direktora JP Autoceste FBiH d.o.o. Mostar da za nabavku usluga: „Redovno i vanredno održavanje Suzuki vozila“ donese odluku kojom se Okvirni sporazum na period od 3 (tri) godine u vrijednosti od **46.681,47 KM** sa uračunatim PDV-om dodjeljuje ponuđaču „Berlijeta“ d.o.o. Visoko, koji je jedini dostavio ponudu, a koja je prihvatljiva, odnosno ispunjava sve uslove i zahtjeve propisane tenderskom dokumentacijom.
- bb) **Datum završetka postupka pregleda i ocjene ponuda:** Komisija je završila pregled i ocjenu ponuda dana 17.07.2024. godine;
- cc) **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje**



ispravke, mišljenje stručne službe ugovornog organa ili stručne osobe, i sl.): Ovaj Zapisnik nema priloge;




dd) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Sanda Hebibović, predsjednik komisije

Behija Džananović, član komisije

Jasminka Agić, član komisije



Saglasan

Denis Lasić,
v.d. direktora

